

(<https://news.usm.my>)

Berita Mutakhir

26
NOV

WARGA USM DIPERKENALKAN KEUNIKAN BUDAYA ACHEH



PULAU PINANG, 25 November 2017 – Universiti Sains Malaysia (USM) dan Republik Indonesia terutamanya Kota Aceh meraikan kepelbagaian budaya kedua-dua bangsa Indonesia dan Malaysia dalam Malam Kebudayaan Indonesia 2017 yang dianjurkan oleh Persatuan Pelajar Indonesia (PPI) USM.

Menurut wakil Wali Kota Bandar Aceh, Drs. H. Zainal Arifin, budaya serumpun ini dapat mengeratkan lagi kedua-dua buah negara iaitu Malaysia dan Indonesia.

"USM sangat terkenal di Banda Aceh dan ini juga menjadi jambatan bagi menghubungkan kedua-dua bandar Aceh dan Pulau Pinang yang sangat dekat dan saling mengenali budaya masing-masing," kata Zainal Arifin yang juga membawa beberapa kumpulan tarian khas dari Aceh untuk tontonan rakyat Malaysia, Indonesia dan seluruh warga USM.



“Orang Banda Aceh sangat berterima kasih kepada semua yang membantu dan membangunkan kembali kota Aceh setelah dilanda tsunami dan kini Aceh sudah cukup amat aman dan sudah menerima pengunjung dan pelancong,” tambah beliau.

Malam Kebudayaan Indonesia adalah acara tahunan PPI bagi mengetengahkan budaya Indonesia kepada warga USM. Antara tarian dan persembahan yang dipersembahkan adalah Tari Suedati, Tari Saman dan nyanyian lagu Langgolek yang mengisahkan mengenai kasih sayang seorang ibu kepada anak-anaknya.

Tambah Penasihat Persatuan Pelajar Indonesia USM, Dr. Reevany Bustami budaya yang dipersembahkan menunjukkan budaya yang hampir sama kerana Malaysia dan Indonesia adalah sedarah dan senegara yang hanya dipisahkan oleh penjajah suatu ketika dahulu.



Lebih 1,000 penonton menyaksikan persembahan pada malam ini di Dewan Tuanku Syed Putra USM yang dirasmikan oleh Konsul Jeneral Republik Indonesia ke Pulau Pinang, Iwanshah Wibisono.

Turut hadir ialah Pengarah Pusat Mobiliti dan Kolaborasi Antarabangsa, Dr. Muhizam Mustafa yang berucap mewakili Timbalan Naib Canselor (Hal Ehwal Pembangunan Pelajar dan Alumni) USM.

Teks: Nor Rafizah Md. Zain



Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>).

Laman Web Rasmi / Official Website : [Universiti Sains Malaysia](http://www.usm.my) (<http://www.usm.my>).

[Client Feedback / Comments](http://web.usm.my/smbp/maklumbalas.asp) (<http://web.usm.my/smbp/maklumbalas.asp>) | USM News Portal. Hakcipta Terpelihara USM 2015